



REPUBLIKA E KOSOVËS REPUBLIKA KOSOVA REPUBLIC OF KOSOVO
KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS
NEZAVISNI NADZORNI ODBOR CIVILNE SLUŽBE KOSOVA
INDEPENDENT OVERSIGHT BOARD CIVIL SERVICE OF KOSOVO



Pranuat / Dorezuar Puniljeno / Prodato Received / Delivered	20 - 12 - 3	viti god year	
Organ / Njesia Organ / Jedinica Org. / Unit	Nr Prot Br Prot Prot. No	Shtojca Prilog Appendix	Sasia Kolicina Quantity
SKIMSHICK	7578/2023		1/4



Republika e Kosovës
Republika Kosova-Republic of Kosovo

KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS
NEZAVISNI NADZORNI ODBOR CIVILNE SLUŽBE KOSOVA
INDEPENDENT OVERSIGHT BOARD FOR THE CIVIL SERVICE OF KOSOVA

A.nr.1397/2023

Këshilli i Pavarur Mbikëqyrës për Shërbimin Civil të Kosovës -Kolegji për Shqyrtimin dhe Vendosjen e Ankesave në përbërje nga:Arben Mehmeti-kryetar, Malsore Gashi -Bajraktari dhe Ardita Haxhnikaj -Demi, anëtarë me Rushit Kajtazi- Zyrtar i Lartë për Bashkëpunim Profesional në cilësinë e procesmbajtësit, në procedurën sipas ankesës A.nr.1397/2023 të datës 09.11.2023 të parashtruar nga ankuesi me adresë banimi rruga "Evila Qelebia, pa numër Kulla e Latës Ll,33, Nr.46 Kc uuna e Mitrovicës së Jugut kundër organit të punësimit/ Agjencia Kosovare e Privatizimit, në çështjen juridike " Kërkesë nga marrëdhënia e punës ", duke vepruar në pajtim me nenin 6 paragrafin 1.1 nën paragrafin 1.1, nenin 16, nenin 18 paragrafin 1 nen paragrafin 1.8 të Ligjit Nr. 06/L-048 për Këshillin e Pavarur Mbikëqyrës për Shërbimin Civil të Kosovës, dhe Rregulloren Nr. 02/2018 për Procedurën e Shqyrtimit dhe Vendosjes së Ankesave në Këshillin e Pavarur Mbikëqyrës për Shërbimin Civil të Kosovës, në seancën për këshillim dhe votim të mbajtur me datën 20.12.2023, mori këtë:

V E N D I M

Këshilli i Pavarur Mbikëqyrës për Shërbimin Civil të Kosovës, shpallet jo kompetent për të vendosur lidhur me ankesën A.nr.1397/2023 të datës 09.11.2023 e parashtruar nga ankuesi

A r s y e t i m

Ankuesi , më datë 09.11.2023, ka parashtruar ankesë me numër protokolli 6950/2023, e regjistruar me shenjen A.nr.1397/2023, në Këshillin e Pavarur Mbikëqyrës për Shërbimin Civil të Kosovës, me pretendimet ankimore lidhur me miratimin e Rregullores Nr.05/2023 për Organizimin e Brendshëm dhe Sistematizimin e Vendeve të Punës në Agjencinë Kosovare të Privatizimit si dhe ndryshimin e klasifikimit dhe klasës së pozitës së "Udhëheqësit të Ekipit" ashtu që të konsiderohet kjo pozitë "Drejtues i Ulët".

Këshilli i Pavarur Mbikëqyrës për Shërbimin Civil të Kosovës, bazuar në Rregulloren Nr. 02/2018 për Procedurën e Shqyrtimit dhe Vendosjes së Ankesave në Këshillin e Pavarur

Mbikëqyrës për Shërbimin Civil të Kosovës, më datë 15.11.2023, për mes e-mailit ka dërguar kërkesën për përgjigje në ankesë të ankuesit në Agjencinë Kosovare të Privatizimit, ndërsa me datë 22.11.2023, Këshilli ka pranuar përgjigje në ankesë nga Agjencia Kosovare e Privatizimit.

Kolegji për Shqyrtimin dhe Vendosjen e Ankesave, bazuar në shkresat e lëndës përkatësisht pretendimit ankimor lidhur me miratimin e Rregullores Nr.05/2023 për Organizimin e Brendshëm dhe Sistematizimin e Vendeve të Punës në Agjencinë Kosovare të Privatizimit si dhe ndryshimin e klasifikimit dhe klasës së pozitës së "Udhëheqësit të Ekipit" ashtu që të konsiderohet kjo pozitë "Drejtues i Ullët", ka konstatuar se Këshilli i Pavarur Mbikëqyrës për Shërbimin Civil të Kosovës, nuk është kompetent për të vendosur lidhur me ankesën e ankuesit.

Kolegji i Këshillit bazuar në shkresat e lëndës konstaton se ankuesi sipas aktemrimit të datës 30.12.2011 kishte mbajtur pozitën e "Udhëheqësit të Likuidimit-Departamenti i Kordinimit Rajonal", ndërsa bazuar në rregulloren Nr.05/2023, për Organizim e Brendshëm dhe Sistematizimin e Vendeve të Punës në Agjencinë Kosovare të Privatizimit, i njëjti është kategorizuar në "Zyrtar i lartë" përkatësisht Profesional 1 në Divizionin e Zyrës Rajonale në Mitrovicë, bazuar në shkresat e lëndës përkatësisht vendimin Nr. Ref.BD-186/39 të datës 04.09.2023 të kryesuesit të Bordit të Drejtorëve të Agjencisë Kosovare të Privatizimit, të nxjerrë bazuar në mbledhjen e bordit të AKP-së, më datë 31.08.2023, me që rast është aprovuar rregullorja Nr.05/2023, për Organizim e Brendshëm dhe Sistematizimin e Vendeve të Punës në Agjencinë Kosovare të Privatizimit, dhe hyrja në fuqi nga data 01/10/2023, duke i njoftuar palët së këtë vendim mundë të kundërshtojnë pranë organit Kompetent në afatin prej tridhjetë ditësh (30).

Ankuesi i pakënaqur me vendimin Nr.Ref. BD-186/39 të Kryesuesit të Bordit të Drejtorëve të Agjencisë Kosovare të Privatizimit, me datë 09.11.2023, me numër protokollit 6950/2023, ka parashtruar ankesë në Këshillin e Pavarur Mbikëqyrës për Shërbimin Civil të Kosovës, me pretendimin ankimor kundër miratimit të Rregullores Nr.05/2023 për Organizimin e Brendshëm dhe Sistematizimin e Vendeve të Punës në Agjencinë Kosovare të Privatizimit si dhe ndryshimin e klasifikimit dhe klasës së pozitës së "Udhëheqësit të Ekipit" ashtu që të konsiderohet kjo pozitë "Drejtues i Ullët".

Kolegji i Këshillit, Lidhur me pretendimin e palës ankuese që të anulohet Rregullorja Nr.05/2023 për Organizimin e Brendshëm dhe Sistematizimin e Vendeve të Punës në Agjencinë Kosovare të Privatizimit, ju referua Aktgjykimit në rastin nr.KI10/22 të datës 15.08.2022 të Gjykatës Kushtetuese të Republikës së Kosovës lidhur me kërkesën e parashtruar nga Sindikata e Institutit të Mjekësisë Ligjore lidhur me vlerësimin e kushtetutshmërisë së Aktgjykimit ARJ.nr.115/2021 të datës 18.11.2021 të Gjykatës Supreme të Kosovës e që ndërlidhet me vlerësimin e ligjshmërisë së Rregullores MD-Nr. 01/2020 për Organizimin e Brendshëm dhe Sistematizimin e Institutit të Mjekësisë Ligjore.

Kolegji i Këshillit, konstaton se sipas Aktgjykimit në rastin nr. KI10/22 të datës 15.08.2022 të Gjykatës Kushtetuese të Republikës së Kosovës, respektivisht me nenin 75 të tij, thuhet se: "...në këndvështrimin e Gjykatës konstatohet se ekziston një pozicion i qartë në kuptimin të funksioneve të gjyqësorit të rregullt dhe atij kushtetues: i pari kujdeset për ruajtjen e supremacisë juridike të ligjit,

*përkatësisht përputhshmërisë se akteve nënligjore me ligjin ndërsa i dyti për ruajtjen e supremacisë juridike të kushtetutës, përmes kontrollit të kushtetutshmërisë së ligjeve dhe akteve nënligjore me Kushtetutën sipas mënyrës së përcaktuar me Kushtetutë, në nenin 77 theksohet se: "Në anën tjetër, Gjykata në bazë të nenit 113.7 e ve në funksion juridiksionin e saj rishikues dhe subsidiar për të gjitha kërkesat individuale mbi respektimin e të drejtave kushtetuese, të cilat kanë si objekt kontesti edhe aktet nënligjore normative. Juridiksioni rishikues si i tillë aktivizohet pas shterimit të mjeteve juridike. Sipas këndvështrimit të Gjykatës, kufiri ku fillon dhe ku mbaron juridiksioni i kontrollit gjyqësor ndaj akteve nënligjore normative dhe ku fillon juridiksioni i Gjykatës Kushtetuese është i mirëpërcaktuar kur bëhet fjalë për ushtrimin e juridiksionit subsidiar (rishikues) të Gjykatës. Në këtë drejtim, pasi që parashtruesit e kërkesës të kenë marrë përgjigje përfundimtare nga gjykatat e rregullta, mbi bazën e padisë së tyre mbi kontestin e tyre ndaj ligjshmërisë së aktit nënligjor normativ, atëherë ata legjitimohen që pretendimet për cenimin e të drejtave dhe lirive themelore t'i artikulojnë në ankimin individual kushtetues, me nenin 79 është përcaktuar se: "Rrjedhimisht, Gjykata në vijim e vë theksin edhe tek studimi i Komisionit të Venedikut i cili vlerëson se në lidhje me llojet e normave që mund të paraqiten për vlerësim kushtetues, gjykata kushtetuese duhet të jetë e ngarkuar vetëm me verifikimin e kushtetutshmërisë së akteve ligjore, duke ua lënë në parim kontrollin e akteve nënligjore gjykatave të zakonshme, në mënyrë që të shmangin mbingarkimin e 18 saj. (shih studimin nr. 538/2009 [CDL-AD(2010)039rev.] mbi qasjen individuale në gjyqësinë kushtetuese, miratuar nga Komisioni i Venedikut në sesionin e 85-te (17-18 dhjetor 2010), paragrafi 6)", me nenin 80 është përcaktuar se: "Prandaj, bazuar nga si me sipër, Gjykata konstaton se gjykatat e rregullta të sistemit juridik të Kosovës, duke mos bërë kontrollin e ligjshmërisë së Rregullores së IML-se me nenin 15 të Ligjit për Mjekësinë Ligjore, parashtruesit të kërkesës ia mohuan të drejtën e "qasjes në gjykatë" në kuptim të paragrafit 1 të nenit 31 të Kushtetutës në lidhje me paragrafin 1 të nenit 6 të KEDNJ-se; dhe për pasojë pamundësuan që rasti i parashtruesve të kërkesës të shqyrtohet në meritat e kërkesës". Si përfundim, Gjykata Kushtetuese e Republikës së Kosovës, sipas këtij aktgjykimi, sipas nenit 88 thuhet se: "Gjykata, pas elaborimit dhe shqyrtimit të procedurës së zhvilluar dhe arsyetimit të vendimeve të gjykatave të rregullta, konstatoi se: (i) ekziston një pozicion i qartë në kuptim të funksioneve të gjyqësorit të rregullt dhe atij kushtetues: i pari kujdeset për ruajtjen e supremacisë juridike të ligjit, përkatësisht përputhshmërisë së akteve nënligjore me ligjin ndërsa i dyti për ruajtjen e supremacisë juridike të kushtetutës, përmes kontrollit të kushtetutshmërisë së ligjeve dhe akteve nënligjore me Kushtetutën sipas mënyrës së përcaktuar me Kushtetute; dhe (ii) gjykatat e rregullta të sistemit juridik të Kosovës, duke mos bërë kontrollin e ligjshmërisë së Rregullores së IML-se me nenin 15 të Ligjit për Mjekësinë Ligjore, parashtruesit të kërkesës ia mohuan të drejtën e "qasjes në gjykatë" në kuptim të paragrafit 1 të nenit 31 të Kushtetutës në lidhje me paragrafin 1 të nenit 6 të KEDNJ-se; dhe për pasojë pamundësuan që rasti i parashtruesve të kërkesës të shqyrtohet në meritat e kërkesës. Ndërsa sipas dispozitivit të këtij aktgjykimi respektivisht sipas pikës III është vendosur: **TË SHPALLË** të pavlefshëm, Aktgjykimin [AR].nr. 115/2021 të 18 nëntorit 2021, të Gjykatës Supreme të Kosovës, Aktvendimin [AA.nr.651/2021] e 6 gushtit 2021, të Gjykatës së Apelit, si dhe Aktvendimin [A.nr. 1430/21] e 5 korrikut 2021 të Gjykatës Themelore në Prishtinë dhe sipas pikës IV. **TË KTHEJË**, për rishqyrtim Aktvendimin [A.nr. 1430/21] e 5 korrikut 2021 të Gjykatës Themelore, në pajtim me Aktgjykimin e kësaj Gjykate.*

Kolegji i Këshillit, nga konstatimet si më lartë, konstaton se Këshilli i Pavarur Mbikëqyrës për Shërbimin Civil të Kosovës është institucion i cili ka për qëllim sigurimin e respektimit të rregullave dhe parimeve që rregullojnë shërbimin civil, rrjedhimisht Këshilli i Pavarur Mbikëqyrës për Shërbimin Civil të Kosovës nuk është institucion kompetent të bëjë mbikëqyrjen nëse aktet nënligjore në këtë rast Rregullorja Nr.05/2023, për Organizimin e Brendshëm dhe Sistematizimin e Vendeve të Punës në Agjencinë Kosovare të Privatizimit është në pajtueshmëri me ligjet e aplikueshme që ndërlidhen me pretendimet e ankuesit.



Andaj Kolegji për Shqyrtimin dhe Vendosjen e Ankesave pasi që ka shpallë jo-kompetencën e Këshillit për të vendosur lidhur me ankesën e ankuesit sa i përket miratimit të Rregullores Nr.05/2023, për Organizim e Brendshëm dhe Sistematizimin e Vendeve të Punës në Agjencinë Kosovare të Privatizimit, e që rregullore ndërlidhet edhe me çështjen e ndryshimit të klasifikimit të pozitës, andaj edhe nuk u lëshue në pretendimin sa i përket çështjes së klasifikimit të pozitës, nga se çështja është e ndërlidhur me rregulloren e atakuar me këtë ankesë andaj konstaton se ankuesi të drejtën e tij mund ta realizoj duke ju drejtuar organeve kompetente konformë elaborimit si në arsyetim të këtij vendimi.

Këshillë juridike: Kundër vendimit të Këshillit, pala e pakënaqur e cila pretendon se vendimi i Këshillit nuk është i ligjshëm mund të iniciojë konflikt administrativ në gjykatën kompetente, Gjykatën Themelore në Prishtinë/Departamenti për Çështje Administrative brenda afatit prej tridhjetë (30) ditësh nga dita në të cilën i është dorëzuar vendimi. Inicimi i konfliktit administrativ nuk e ndalon ekzekutimin e këtij vendimi.

KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS

Lënda, A.nr.1397/2023, datë 20/12/2023

Rushit KAJTAZI

Zyrtar i Lartë për Bashkëpunim Profesional

Arben MEHMETI

Kryetar i Kolegjit

Vendimi i dërgohet:

- Ankuesit
- Drejtorit Menaxhues të Agjencisë Kosovare të Privatizimit;
- Udhëheqësit të Personelit në Agjencisë Kosovare të Privatizimit ;
- Arkivit të KPMSHCK-së